

Kien in Bōbrae Kōjemlōk Jata kōn COVID-19: 5 Buñtōn ko ñan Kōjparok Armej ro rej Jata

BUÑTŌN 1: Jelā Jimwe ko Aṃ

Ri Kien ro in Oregon raar kōmṃane juon kien eo bwe ri jata ro ilo Oregon rejjab maroñ kōmṃane men kein ṃae **Oktoba 1:**

1. lelōk juon enaan in kōjemlōk jata kōn jab kōllā jata eo ak wōṇāān ko rej kōllā jān Eprōl 1 ñan Jeptōṃba 30;
2. lelōk juon enaan in kōjemlōk jata ñe ejjelōk unin;
3. kōjelāik doulul ko in credit kōn wōṇāān ko rejjab kōllā; ak
4. jaaj wōṇāān kōllā jata ilo iien ruṃwij

Ke rej kaṃōj kien in bōbrae kōjemlōk jata eo ilo Oktoba 1, ro rej jata remaroñ bōk ṃae Maaj 31, 2021 ñan kōttōpar kōllā ko jata ko rej ruṃwij jān Eprōl im Oktoba 2020. Ak ri jata ro remaroñ lelōk enaan ko in kōjemlōk jata ko kōn unin ko jet, ilo iien kien eo ej bōbrae kōjemlōk jata ak ālkin. Kwomaroñ bōk kōjelā ko jet ilo OregonLawHelp.org.

BUÑTŌN 2: Jeje Ri Jata eo Ñe kwōj lōmṃak bwe emaroñ pen ippaṃ kōllā jata eo, kwōn

jejelōk ñan ri jata eo im kōjparok juon anōk in leta eo. Elōñ program ko ñan jipañ ro rej jata ṃokta jān aer ruṃwij iien kōllā jata ak jipañ ro rej jata bwe ren kōttōpar aer kōllā. Kwōn ṃōkaj in kajjitōk bwe ren jipañ eok.

BUÑTŌN 3: KALLŌK 2-1-1 ak Lale 211.info.org

Kepaake [Community Action Agency \(CAA\)](http://CommunityActionAgency.org) eo epaak ñan kwe. Kwomaroñ bōk jipañ in kōllā jata, jarom, im men ko jet. CAA eo ej lelōk kōjelā ko ejjelōk wōṇāān. Kōnke ebōl armej ro rej aikuj, kwomaroñ aikuj kōttar juon tore eo ñan maroñ kōmālim ak bōk jipañ.

BUÑTŌN 4: Bōk Kōjelā ko

Im bareinwōt jipañ ko jān kien state im federal, jet program ko repaak, doulul ko rej jipañ ejjelōk wōṇāān, ak doulul ko jān kabuñ ko remaroñ jipañ. Bareinwōt, kwomaroñ karōk ippān ri jata eo ñan kōllā ṃōttan jata. Wāwein in ej aṃ wōt bebe ak emaroñ jipañ eok in kadiklōk jata eo kwonaaj ruṃwij ālkin tore in jipañ (Maaj 2021). Eṃōkaj an kōjelā ko rej oktak; kōn men in, kwōn wōnṃaanlōk in pukot kōjelā ko jān [opij in Kabna](http://opij.in.kabna), [doulul ko jān state](http://doulul.ko.jan.state), im doulul ko rejṃwe.

BUÑTŌN 5: Kwōn Kōppojak

Ñe kwojjab kōllā jata in Oktoba, ri jata eo emaroñ lewōj juon enaan in kōjemlōk jata eo kōn aṃ jab kōllā jata in Oktoba, ineṃ emaroñ kajjitōk bwe ren kaddiwōjlōk jān ijo jikūṃ. Ri jata eo ebar maroñ jilikin wōj juon enaan eo ej kajjitōk bwe kwōn ba ñan e ilo 14 raan ko ñe kwōj karōk in kōjerbal tore in jipañ in jijino allōñ ko ñan kōllā wōṇāān jata e ruṃwij. **Kwōj aikuj uwaake im ba ñan ri jata eo ñe kwōj karōk in kōjerbal tore in jipañ eo.** (Eṃṃanlōk bwe kwōn jejelōk, im kōjparok juon anōk in leta.) [Oregon Law Center eo](http://OregonLawCenter.org) im [Community Alliance of Tenants](http://CommunityAllianceofTenants.org) raar kōmṃane leta ko kwomaroñ kōjerbal ñan kōjelā ri jata eo bwe kwōj karōk in kōjerbal tore in jipañ eo. **Ñe kwōjjab ba ñan ri jata eo, remaroñ jaaj juon wōṇāān in kaje in jimattan allōñ, ālkin Maaj 31, 2020.**

Kien in Bōbrae Kōjemļok Jata kōn COVID-19: 5 Buñtōn ko ñan Kōjparok Armej ro rej Jata

Keememej, kwōj aikuj kōttōpar aolep wōñāān jata kwaar jab kōļļā ikōtaan Eprōl im Oktoba 2020 mokta jān Maaj 31, 2021. Kōjeļā kein remaroñ pen ñan melele. Jouj in lale website ko in [Oregon Law Center](#) eo im [Community Alliance of Tenants](#) ñan lale kōjeļā ko jet.

Kōjparok Aṃ Make

Tore kein repen mour im inepata eo emaroñ jelōt aṃ kiki, ājmour in kōmālij im kadkad ikōtaan armej. [211](#) eo ej leļok jipañ ko im ewor juon telpon an [National Alliance on Mental Illness Oregon](#) eo ejjeļok wōñāān in jipañ kōmālij.